

## **Fansoun osukosuk atapwanapwan angei ekkewe refill me non ewe nenien kut safei me ekkesiwinin sokkun pisekin safei epwe nomwotam mwirin omw ka mwokut seni neniomw we ren nupwen an fis ew osukosuk mei efeiengaw.**

**Q1 Inet fansoun ekkewe pharmacist non Oregon repwe tongeni atapwanapwanen amosowa refill ren safei mei wor taropwen seni tokter?**

**A.** Ekkewe pharmacist mei tongeni fori ei sokkun ngeni emon aramas mei fat pwe epwene mwokut seni nenian we me murin an fis ew watten osukosuk mei efeiengaw ngeni nenian we.

**Q2. Menni sokkun nenien safei mei tongeni an epwe amasowa refill mei atapwanapwan?**

**A.** Ese nifinifin menni nenien safei non Oregon mei tongeni fori angangen refill mei atapwanapwan. Ita ina ururun, nge non pwan ekkoch nikinikin epwe fen pwan mecheres ne no ngeni chok ekkewe kompeni ir re wisen angei ewe taropwen safei me nepwoputan.

**Q3. Inet fansoun ekkewe nenien safei non Oregon repwe tongeni fori angangen refill atapwanapwan nge esapw wor taropwen seni tokter?**

**A.** Ika pwe ewe pharmacist e nukuw pwe ewe safei mei auchea ngeni nonnomwun pochokunen ewe mei semwen ika ewe mei semwen epwe sopweno ne churi tokter, iwe ewe pharmacist mei tongeni epwe amasowa ewe refill.

**Q4. Epwe ifan koukun an ewe pharmacist epwe amosowa ngeni?**

**A.** Ewe atapwanapwanen refill mei tongeni epwe ukukun minenesapw nap seni 30 ran.

**Q5. Epwe ifan ussun ai upwe tongeni refill unumei safei ika pwe a turunuseniei ai we nenien unumei safei epwe amaso sefan?**

**A.** Ka tongeni no ngeni ew me nein ekkewe nenien safei non Oregon, epwe ew me nein ekkewe kompeni en ke pii angei me ian unumwom we safei me mwan, iwe ka tingor pwe kopwe refill atapwanapwan ren ukukun 30 ran.

**Q6. Ewe pharmacist mei tongeni epwe refill fansoun osukosuk atapwanapwan ekkewe sokkun safei mei wor onukun an emon epwe tongeni angei?**

**A.** Non ekkoch fansoun mei tongeni. Ren ekkena sokkun, mei menei epwe wor taropwen mwumwuta ngeni ewe pharmacist.

**Q7. Mei pwan kamo ekkewe safei non fansoun atapwanapwan?**

**A.** Napengeni epwe kamo. Ewe nenien safei epwe tinano taropwen niwinin ewe safei ren insurance, iwe naman ina epwe pwan wor met nusun niwinin kopwe pusin moni.

**Q8. Nge ika pwe ese wor nei insurance, ika mei weires ngeniei ai upwe kan tongeni refill unumei safei iwe nge ngang upwan nounou ewe Oregon Plan ren Pekin Health (Medicaid)?**

**A.** Ika pwe ese wor noum insurance ika mei pwan wor ekkoch omw kapas eis ren fan iten refill atapwanapwan, ewe Pekin saffei meinap non Oregon mei tongeni epwe aninis won omw kena kapas eis. E-mail ngeni ewe Pekin saffei meinap non an Oregon Health Authority Ewe Prokramen Safei mei wor Taropwen Seni Tokter won: [OHA.pharmacy@odhsosha.oregon.gov](mailto:OHA.pharmacy@odhsosha.oregon.gov).

**Q9. Met upwe fori ika pwe mei weires ngeniei ai upwe refill unumei safei nge upwan nounou ekkewe private insurance?**

**A.** Kokori ewe kompenien insurance en ke nounou seni pwun repwe angang fengen me ar we nenien safei omw kopwe tongeni angei unumwom kewe safei epwe refill me fite ukukun niwinin ir repwe tongeni moni. Ika pwe epwe wor osukosuken ewechon kamo, ir mei tongeni repwe kokori ewe pekin aninis ngenichon kamo won nampa 888-877-4894.

Iwe pwan, ewe Prokramen Safei mei wor Taropwen Seni Tokter me non Oregon mei pwan awora an state repwe sponsor, ewe prokramen card itan Array Rx ren an epwe kukunutiw niwinin ewe safei. Array Rx:

- Mei suk ngeni chon nonnomw non Oregon.
- Ese pwan wor koukun ren mwoni tonong.
- Ese pwan kamo ika menei an epwe wor mettoch ren emon an epwe tongeni pachenong non.

Sopwosopwun pworousan me link ren an emon epwe tongeni makkei itan an pwe pachenong non ka tongeni kuna online won an Oregon we Prokramen Safei mei wor Taropwen seni Tokter we website: <https://www.oregon.gov/oha/hpa/dsi-opdp/pages/index.aspx>. Ion mei menei aninis ren an epwe tongeni makkei itan mei tongeni epwe pachenong non an epwe kokori ewe fon, toll free: 1-800-913-4146.

**Q10. Ifan ussun ai upwe tongeni siwini nii ngachangach ika ekkewe sokkun pisekin safei mei nomwotam ika pwe ngang mei nomw won ewe Oregon Plan ren Pekin Health (Oregon Health Plan, OHP)?**

**A.** Kose mochen kopwe kokori noumw we tokter ika ewe Chon Aninisin ewe Case ren ewe Putain Aninisin Aramas non Oregon (Oregon Department of Human Services). Ekkewe sokkun aninis mei ekkesiwin anongonong won ifan sokkun ewe watten osoukosuk mei efeiengaw. Ir mei tongeni repwe anisi ngonuk ne fini menni kopwe tongeni nomw won iwe pwan anis ngonuk metewe ke menei epwe ekkesiwin sefan.

Ka tongeni omw kopwe angei noum kapin ei taropwe, ese kamo, non fosun fonuom, ika non “large print” (weiweita ika mak mei kan mese watte), ika non “braille” (faniten ekewe mei chun), ika ren pwan ekoch sakkun pisekin ika angangen awewe. Mak ika kori Mavel Morales won [OHA.ADAModifications@odhsoha.oregon.gov](mailto:OHA.ADAModifications@odhsoha.oregon.gov) ika 1-844-882-7889. Kich mi etiwa ekkewe keken relay.

**Public Health Division**  
Prescription Drug Program

[OHA.pharmacy@odhsoha.oregon.gov](mailto:OHA.pharmacy@odhsoha.oregon.gov)

